

BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
OPĆINA TUZLA
OPĆINSKO VIJEĆE

S T E N O G R A M

**S PRVE KONSTITUIRAJUĆE SJEDNICE OPĆINSKOG VIJEĆA TUZLA ODRŽANE
28. NOVEMBRA 2012. GODINE U MALOJ SALI BOSANSKOG KULTURNOG
CENTRA S POČETKOM U 9,30 SATI**

- SJEDNICI PRISUSTVUJE 31 VIJEĆNIK

U Tuzli, novembar 2012. godine

**NADA MLADINA – predsjedavajući Općinskog vijeća iz saziva 2008.-2012. godine
vijećnik Socijaldemokratske partije iz saziva 2012.-2016. godine**

Poštovani vijećnici Općinsko vijeća Tuzla, poštovani načelnice, predstavnici izvršne vlasti, predstavnici borački organizacija, nevladinog sektora, poštovani predstavnici sredstava javnog informisanja, poštovani sugrađani, dragi gosti, dozvolite mi da otvorim prvu konstituirajuću sjednicu Općinskog vijeća Tuzla nakon lokalnih izbora održanih 7. oktobra 2012. godine.

Ovu konstituirajuću sjednicu sazvala sam na osnovu člana 8. Poslovnika Općinskog vijeća Službe glasnik Općine Tuzla broj 7/05 i 7/11 kojim je propisano da konstituirajuću sjednicu novoizabranog Vijeća saziva i njom predsjedava do izbora novog predsjedavajućeg, predsjedavajući Vijeća iz prethodnog saziva Općinskog vijeća Tuzla, a kao što znate to sam bila ja.

Konstatujem da prema evidenciji Stručne službe Vijeća sjednici prisustvuje 31 od ukupnog broja vijećnika, što je dovoljno za punovažan rad i odlučivanje.

Za današnju sjednicu predlažem slijedeći:

D N E V N I R E D

1. POLAGANJE SVEČANE IZJAVE VIJEĆNIKA IZABRANIH NA LOKALNIM IZBORIMA OD 07. 10. 2012. GODINE
2. IZBOR PREDSJEDAVAJUĆEG OPĆINSKOG VIJEĆA TUZLA
3. IZBOR ZAMJENIKA PREDSJEDAVAJUĆEG OPĆINSKOG VIJEĆA TUZLA
4. IZBOR PREDSJEDNIKA I ČLANOVA KOMISIJA OPĆINSKOG VIJEĆA TUZLA
5. RAZJEŠENJE PREDSJEDAVAJUĆEG I ZAMJENIKA PREDSJEDAVAJUĆEG IZ SAZIVA 2008. - 2012. GODINE

Obavještavam vijećnike da je u skladu s članom 4. Odluke o izmjenama i dopunama Poslovnika Općinskog vijeća Tuzla Službeni glasnik Općine Tuzla broj 7/11 da ste prijedloge za naknadno uvrštavanje hitnih i neodložnih pitanja (dopunu dnevnog reda) mogli podnijeti u pismenoj formi, najkasnije 48 sati prije održavanja ove sjednice.

Kako u tom roku, dakle 48 sati prije održavanja sjednice nisu stigli prijedlozi za dopunu dnevnog reda, pitam vijećnike da li ima prijedloga za eventualno skidanje nekih tačaka sa dnevnog reda ili zamjenu predloženih tačaka? To je ono što mi Poslovnik dozvoljava.

Koliko vidim, niko se ne javlja za riječ, vidim da nema takvih prijedloga. Pitam onda ko je za ovakav predloženi dnevni red, molim da dignu ruku? (31) Ima li neko protiv? (Nema.) Ima li neko suzdržan? (Nema.)

Konstatujem da je 31 vijećnik glasao za predloženi dnevni red, niko nije bio protiv, ni suzdržan, te je jednoglasno usvojen slijedeći:

D N E V N I R E D

1. POLAGANJE SVEČANE IZJAVE VIJEĆNIKA IZABRANIH NA LOKALNIM IZBORIMA OD 07. 10. 2012. GODINE
2. IZBOR PREDSJEDAVAJUĆEG OPĆINSKOG VIJEĆA TUZLA
3. IZBOR ZAMJENIKA PREDSJEDAVAJUĆEG OPĆINSKOG VIJEĆA TUZLA

4. IZBOR PREDsjedNIKA I ČLANOVA KOMISIJA OPĆINSKOG VIJEĆA TUZLA

5. RAZJEŠENJE PREDsjedAVAJUĆEG I ZAMJENIKA PREDsjedAVAJUĆEG IZ SAZIVA 2008. - 2012. GODINE

Prelazimo na prvu tačku dnevnog reda:

POLAGANJE SVEČANE IZJAVE VIJEĆNIKA IZABRANIH NA LOKALNIM IZBORIMA OD 07. 10. 2012. GODINE

Odredbom člana 9. i 10. Poslovnika Općinskog vijeća Tuzla, konstituirajuća sjednica počinje tako što predsjednik Općinske Izborne komisije čita izvještaj Centralne izborne komisije o dodjeljenim mandatima, a onda vijećnici polažu Svečanu izjavu, koju potpisuju i predaju predsjedavajućem.

Napominjem da je svaki vijećnik dobio uvjerenje o dodjeli mandata s obrascima potvrde o prijemu uvjerenja, izjavom o prihvatanju, odnosno eventualno o odbijanju mandata.

Podsjećam da je potpisivanje izjava o prihvatnju, odnosno odbijanju mandata uslov za održavanje konstituirajuće sjednice Općinskog vijeća Tuzla.

Svi vijećnici Općinskog vijeća Tuzla su prema evidenciji Stručne službe Vijeća potpisali izjavu, prihvatili mandate vijećnika Općinskog vijeća Tuzla.

Napominjem, da je Stručna služba Općinskog vijeća Tuzla dostavila Centralnoj izbornoj komisiji potvrde o preuzimanju uvjerenja o dodjeli mandata i izjave o prihvatnju mandata dana 19. novembra 2012. godine čime su se stekli uslovi za zakazivanje i održavanje ove konstituirajuće sjednice Općinskog vijeća Tuzla.

Sada pozivam predsjednika ili predstavnika Općinske izborne komisije Tuzla, da u skladu sa članom 8. Poslovnika o radu Općinskog vijeća Tuzla upozna prisutne sa rezultatima općinskih izbora održanim dana 7. oktobra 2012. godine za izbornu jedinicu 050 A Općinsko vijeće Tuzla.

Gospođa Nadira Aščerić, predsjednik Općinske izborne komisije. Izvolite gospođu Aščerić.

NADIRA AŠČERIĆ – predsjednik Općinske izborne komisije

Hvala vam. Ja ću prvo pozdraviti sve prisutne i onda ću redom pročitati iz Odluke Centralne izborne komisije od 6. 11. 2012. godine rezultate potvrđene i objavljene rezultate za Lokalne izbore 2012. godine, a koji se odnose na izbornu jedinicu Tuzla 050 A:

Socijaldemokratska partija. Ispred Socijaldemokratske partije mandate za slijedeće vijećnike su potvrđeni: Jurišić Ilija, Mladina Nada, Turčinović Amer, Mahmuzić Elvir, Bakić Dajana, Softić Merima, Gazibegović Azra, Nišandžić Jozo, Kerošević Srđan i Mešić Erna.

Iz Socijaldemokratske partije, a iz reda nacionalnih manjina, gospodin Mujić Mehmed.

Stranka demokratske akcije: Malohodžić Mirsad, Imamović Sabahudin, Bajić Edis, Sakić Beriz, Haračić Edin i Tupajić Mirza.

Stranka Savez za bolju budućnost Bosne i Hercegovine: Husejnagić Enes, Kasumović Elvir, Džindo Džemal i Hamzić Nedžad.

Narodna stranka Radom za boljitak: Malikić Nedžad, Mišković Mirel i Hasanbašić Admir.

BOSS, Bosanska stranka Mirnes Ajanović: Ajanović Mirnes i Kadić Edim.

HDZ, Hrvatska demokratska zajednica Bosne i Hercegovine: Kovačević Ivica, Mijatović Jasminka.

Tuzlanska alternativa: Alić Mensur, Topić Ekrem.

Za vijećnika mandate ispred Stranke za Bosnu i Hercegovinu dobio je Sijerčić Adnan.

Ja bih zaželjela svim izabranim vijećnicima koji su dobili mandat za period 2012. - 2016. uspješan rad i dobru saradnju. Hvala.

NADA MLADINA

Zahvaljujem gospođi Aščerić, predsjedniku Općinske izborne komisije. Čuli ste izvještaj Izborne komisije Bosne i Hercegovine prezentiran dakle od predsjednice Općinske izborne komisije.

Poštovani vijećnici, ovim su se stekli uslovi da se može pristupiti polaganju Svečane izjave. Obavještavam vijećnike da su od strane Stručne službe Vijeća dobili tekst Svečane izjave.

Sada pozivam sve nas vijećnike da ustanemo da stanete ispred govornice, kako bi položili Svečanu izjavu.

Molim vas za tišinu i pažnju, pristupamo polaganju Svečane izjave. Molim da ponavljate za mnom.

SVEČANA IZJAVA

“Svečano izjavljujem, da ću povjerenu dužnost vijećnika obavljati savjesno, pridržavati se Ustava Bosne i Hercegovine, Ustava Federacije Bosne i Hercegovine, Ustava Tuzlanskog kantona, zakona i Statuta Općine Tuzla i zalagati se za ljudska prava i slobode i da ću u svim prilikama štiti interese države Bosne i Hercegovine, Federacije Bosne i Hercegovine, Tuzlanskog kantona i Općine Tuzla i ravnopravnost naroda i građana.”

Hvala vam. (Aplauz.) Sada vas molim da potpišete svi Svečanu izjavu koju ćete predate gospođi Janji Stojnić.

Zahvaljujem gospodinu načelniku i gospodinu zamjeniku predsjedavajućeg našem vijećniku Jozi Nišandžiću na lijepoj gesti prema ovom manjem broju vijećnika i poštovanje džendera, a svima vama čestitam na položenoj Svečanoj izjavi, svima nama, i želim da je se pridržavamo i sugurna sam da hoćemo.

Prije prelaska na razmatranje narednih tačaka dnevnog reda dužna sam dati nekoliko obavještenja.

Svim vijećnicima je uz uvjerenje o dodjeli mandata dostavljen je Obrazac izjave o imovinskom stanju. U skladu sa odredbom člana 15. zarez 8 stav 1. Izbornog zakona Bosne i Hercegovine kandidati izabrani na svim razinama vlasti, izuzev razine Bosne i Hercegovine i entiteta dužni su u roku od 30 dana od dana dodjele mandata u Službenom glasniku Bosne i Hercegovine popuniti poseban obrazac izjavu o imovinskom stanju i isti dostaviti Centralnoj izbornoj komisiji Središnjem izbornom povjerenstvu Bosne i Hercegovine.

Obavještavamo vijećnike da su u Službenom glasniku Bosne i Hercegovine broj 88. od 6. 11. 2012. godine objavljeni izborni rezultati, imena vijećnika koji su osvojili mandate, te da rok od 30 dana ističe 6. decembra prosinca 2012. godine.

Stoga ovo obavještenje svi vijećnici neka imaju u vidu jer smo to obavezni uraditi do 6. decembra.

Poštovani prisutni u interesu građana i javnosti upoznat ću vas koji klubovi vijećnika konstituirani koji su predsjednici klubova vijećnika.

Prema obavijesti Socijaldemokratske partije od 27. 11. 2012. godine predsjednika Kluba vijećnika Socijaldemokratske partije je gospođica Azra Gazibegović.

Prema obavijesti Stranke demokratske akcije od 23. 11. 2012. godine za predsjednika Kluba vijećnika Stranke demokratske akcije izabran je vijećnik gospodin Sabahudin Imamović.

Prema obavijesti Stranke za bolju budućnost od 20. 11. 2012. godine predsjednik Kluba vijećnika Stranke za bolju budućnost je vijećnik gospodin docent doctor nauka Enes Huseinagić.

Prema obavijesti Kluba vijećnika Narodne stranke Radom za boljitak od 22. 11. 2012. godine predsjednik Kluba ove Stranke u Općinskom vijeću Tuzla je vijećnik gospodin Nedžad Malikić.

Prema obavijesti Bosanske stranke od 23. 11. 2012. godine predsjednik Kluba vijećnika Bosanske stranke u Općinskom vijeću Tuzla je vijećnik gospodin Mirnes Ajanović.

Prema obavijesti Hrvatske demokratske zajednice od 23. 11. 2012. godine predsjednik Kluba vijećnika Hrvatske demokratske zajednice je vijećnik gospodin Ivica Kovačević.

Prema obavijesti Kluba vijećnika Tuzlanske alternative, predsjednik Kluba vijećnika Tuzlanske alternative je vijećnik gospodin Mensur Alić.

Prelazimo na drugu tačku dnevnog reda:

IZBOR PREDSEDVAJUĆEG OPĆINSKOG VIJEĆA TUZLA

Do današnjeg dana pismene prijedloge za predsjedavajućeg Općinskog vijeća Tuzla stigli su od Socijaldemokratske partije Bosne i Hercegovine dana 27. 11. 2011. godine.

Pitam prisutne da li i drugi klubovi vijećnika imaju prijedloge kandidata za predsjedavajućeg Općinskog vijeća Tuzla koje bi željeli iznijeti na samoj sjednici? Nema.

Pitam da li drugi klubovi imaju prijedloge za predsjedavajućeg koji bi željeli da iznesu na sjednici? Ne vidim da se iko javlja.

Pozivam klubove vijećnika da iznesu svoje prijedloge. Gospođica vijećnik Azra Gazibegović, predsjednik Kluba vijećnika Socijaldemokratske partije. Izvoli Azra.

AZRA GAZIBEGOVIĆ – vijećnik Socijaldemokratske partije

Poštovana predsjedavajuća, poštovane kolegice i kolege vijećnici, gosti i mediji, sve vas srdačno pozdravljam. Da izkažem svoje zadovoljstvo što u našem Klubu imamo pet izabranih vijećnika i takođe iz reda HDZ-a što imamo novu kolegicu vijećnicu.

Nadam se da ćemo ispuniti ono što smo pročitali maloprije što stoji u tekstu Izjave i da ćemo se pridržavati onoga što smo izgovorili i svima nama želim uspješan rad i korektnu i uspješnu saradnju.

Na osnovu Odluke Predsjedništva Opštinskog odbora SDP-a Bosne i Hercegovine Tuzla donešene na 38. sjednici ovog organa u skladu sa članom 26. stav 1. tačka 13. Statuta Općine Tuzla i člana 12. Poslovnika Općinskog vijeća Tuzla Klub vijećnika SDP-a u Općinskom vijeću Tuzla predlaže da se za predsjedavajućeg Općinskog vijeća Tuzla izabere Jozo Nišandžić.

Obrazloženje. Jozo Nišandžić, rođen je 1951. godine u D.Dragunji, općina Tuzla. Brigadir je Vojske Federacije Bosne i Hercegovine u mirovini.

Svoj radni vijek Nišandžić je započeo u TTU 1969. godine kao KV metalo-strugar. Tu je ostao do 1980.godine.

Uz radno angažovanje Nišandžić se doškolovavao, prvo završio Pedagošku akademiju u Tuzli, a zatim Fakultet političkih nauka (ONO i DSZ) u Zagrebu. Poslije toga prelazi na rad u Općinski štab Teritorijalne odbrane Tuzla kao komandant. Dobio je tri priznanja od komandanta Opštinskog štaba Teritorijalne odbrane do komandanta Regionalnog Štaba teritorijalne odbrane Bosne i Hercegovine.

Odlukom Ratnog predsjedništva Općine Tuzla u aprilu 1992. godine, Nišandžić je raspoređen u Operativni štab Ratnog predsjedništva Općine Tuzla. Učesnik u odbrambeno-oslobodilačkom ratu od 3. 4. 1992. do 22. 12. 1995. godine. Bio je na dužnosti pomoćnika komandanta Opštinskog štaba Teritorijalne odbrane Tuzla, Operativne grupe 5. i 25. divizije.

Okončanjem rata, 1996. godine raspoređuje se za komandanta Komande za razvoj 252 SBB1, gdje ostaje do 1998. godine, a zatim na novu dužnost, zamjenika komandanta 25. divizije. Na toj dužnosti ostaje do 2000. godine kada je otišao u mirovinu.

Za puni doprinos u odbrani Bosne i Hercegovine Nišandžić je više puta pohvaljivan i nagrađivan. Za uspješan rad u Armini Bosne i Hercegovine i Vojske Federacije Bosne i Hercegovine 1995. godine proizveden u čin majora, 1998. unaprijeđen u čin pukovnika i 2000. godine u čin brigadira.

Odlaskom u mirovinu, Nišandžić se odmah uključuje u rad SDP-a BiH, gdje je postavljen za potpredsjednika Opštinske organizacije SDPBiH Tuzla i do danas obavlja tu dužnost.

Na Lokalnim izborima 2004. godine, Nišandžić je izabran za vijećnika Općinskog vijeća Tuzla. Takođe i na Lokalnim izborima 2008. i 2012. izabran je za vijećnika u Općinskog vijeću Tuzla. Hvala.

NADA MLADINA

Čuli ste obrazloženje. Otvaram raspravu klubova. Da li se neko javlja za riječ? Gospodin Mirnes Ajanović, Klub vijećnika Bosanske stranke.

MIRNES AJANOVIĆ – vijećnik Bosanske stranke

Pozdravljam vas sve, čestitam na izboru, želim puno uspjeha u radu i pažnje na Svečanoj izjavi koju smo danas dali da ćemo u svakoj prilici štiti interes grada i države.

Mi smo u okviru ovog Vijeća naučili u prošlom sazivu, predprošlom, da ne radimo samo lokalno jer je veliki broj inicijativa, prijedloga i rješenja globalan. Do nivoa Bosne i Hercegovine i kada bi samo dio onoga što je ovo Vijeće radilo bilo usvojeno na višim nivoima država bi bila mnogo bolja, funkcionalnija i efikasnija i sigurnija.

Danas evo odlučujemo o formiranju zakonodavne vlasti u Tuzli. Izvršna je već definisana voljom građana na izborima, direktno dakle izabran je načelnik Jasmin Imamović.

I mi smo izabrani da odlučimo ko će predstavljati većinu. Ko će nastaviti kontinuitet i poboljšati kontinuitet rada Vijeća ka većoj demokratizaciji, transparentnosti i svemu onome što je bilo zamjerki u prošlom mandatu od strane opozicije, građana, nevladini organizacija.

Evo danas biramo predsjedavajućeg, odnosno rukovodstvo ovog zakonodavnog tijela i obzirom da imamo sasvim drugačiju situaciju nego na prošlim izborima jer jedna stranka dakle nema više većinu evidentno je da se mora napraviti parlamentarna većina od nekoliko stranaka.

Situacija u ovom Opštinskom vijeću je takva da parlamentarnu većinu može napraviti više političkih opcija i može se reći da moguće je da u ovoj većini donese se odluka gdje svako može biti i vlast i opozicija.

I vjerovatno je bilo interesovanje i javnosti u proteklom periodu značajno ko će kako i sa kim ići u vlast.

Ono što smo saznali, vidjeli, imali priliku, uvjeriti se svojim očima i ušima dakle direktno bilo je neprincipijelnih zahtjeva, bilo je političkih opcija koje su tražile isključivo lični interes.

Moguće da nisu položili zakletvu pa su se zbog toga mogli na takav način ponašati i gledati koliko ostvariti ličnog profita, kako što bolje ostvariti lični, pa i stranački interes kroz razna mjesta, pa čak su tražili neki i gotovo pola grada da budu vlasnici.

I ono što je zanimljivo i što treba da bude zanimljivo treba to spriječiti. Ne trebamo dozvoliti da bilo ko ucjenjuje bilo koga. Da bilo ko profitira. Nemoralno. Bilo je i korektnih prijedloga, kao što sam saznao, mogu odma reći, Tuzlanska alternativa je predložila ostvarenje interesa grada bez ličnih interesa. Ako ko ima druga saznanja neka kaže. Ono što sam ja saznao, imao prilike da se uvjerim.

Iz svih ovih razloga imamo novu političku situaciju ugradu. I mi smo kao Stranka dužni odrediti se u svemu tome i zbog toga sam izašao i ujedno čestitam na prijedlogu Joze Nišandžića, radi se o vrlo kvalitetnom kadru.

Takođe ne bi bilo niti pogrešno da je izabrana i gospođa Nada Mladina, radi se takođe o vrlo vrsnom vijećniku, ali opet mi nećemo da se miješamo u razloge onoga ko je predlagrač naravno.

Dakle, što se tiče nas ne bi bilo sporno niti jedno niti drugo ime. Ne treba niti može biti sporno i ja kao vijećnik iz prošlog saziva, ja se zahvaljujem gospođi nadi Maldini na svemu što je radila korektno. Bilo je nekada naravno sukoba jer smo vlast i opozicija, oni su vlas mi opozicija i to je sasvim razumljivo. Ali ono što treba zapamtiti i ostat će zapamćeno da nikada Vijeće nije radilo u tom smislu da nikome se nije oduzimalo pravo da govori. Ko god je imao pravo, imao je mogućnost, odnosno ko je imao želju mogao je govoriti. Čak je bilo i pritisaka ima li ko još šta da kaže. Uslovno rečeno, pozitivni pritisaka. Nekada je bilo par puta, ali to je potpuno zanemarljivo, kap u moru u odnosu na ono što je bilo u proteklom periodu.

Na isti način se slično ponašao i gospodin Nišandžić kada je bio zamjenik, tako da ja vjerujem ukoliko bude taj izbor da će nastaviti se kontinuitet tog načina djelovanja, dosađivanja nama da se javimo, izađemo, kažemo, djelujemo aktivno, a ne da nam se onemogućí rad.

Ja bi sad još konkretno. Mi 18 godina postojimo, punoljetni smo kao Stranka gledajući taj status.

Prilično dugo vremena smo bili i sad smo opozicija. Međutim, zakletva koja je definisana danas ovdje ispred nas i pročitana i danas nas obavezuje na djelovanje u okviru zaštite interesa grada i idemo dalje, naravno u Bosni i Hercegovini i svega između. Ja bih iz tog razloga napravio jedan prijedlog ako je moguće.

Da idemo ka realizaciji svega onoga što smo predlagali, ne samo mi, nego i ostali, a što ili eventualno nije usvojeno zbog toga što je vlast nekada namjerno ili bila slaba opozicija što je i to sasvim normalno političko djelovanje, pa iz razloga što su neke inicijative prihvaćene, ali nisu realizovane, dakle, da ukoliko možemo dobiti, nema garancije, riječ je jača od bilo kakve garancije, realizaciju svih inicijativa koje smo mi predlagali, pa i drugi koji su predlagali, koji su u interesu grada, transparentnost rada Vijeća na način da omogućimo svima ko god želi, na koji god način želi da prati rad Vijeća, da izbacimo one odredbe zabrane pristupa građana u ovoj sali da mogu prisustvovati jel naravno kada se najave, da znamo ko je tu.

Da izbacimo odredbu mogućnosti izbacivanja vijećnika sa sjednice. Ili recimo, ja razumijem i to, potpuno opravdano, ali mislim da se to može uskladiti bez obzira na obaveze koje postoje i kod načelnika, da načelnik pokuša prvo, ako je moguće, ili nije moguće u redu, prilagoditi svoje obaveze Vijeću, pa i onima koji trebaju da dođu u nekakvu posjetu, bez obzira kakvu da uz najubazniju ispriku objasni da mogu doći s nama zajedno na sjednicu Vijeća.

Da i načelnik bude više prisutan na sjednicama Vijeća, redovnije. Da imamo mogućnost da djelujemo zajednički kao zakonodavna i izvršna vlast kao jedna udarna pesnica u cilju boljeg razvoja ekonomskog razvoja Tuzle, da naravno napravimo i kakav početni, osnovni, obavezni ekonomski program koji će realizirati se u određenim čak i rokovima.

Ukoliko bi to se moglo prihvatiti od strane Stranke koja ima većinu, koja je predložila kandidata za predsjedavajućeg, a samim time dakle, mi se prema tome možemo odrediti, neko može glasati i bez toga, ali time se evidentno određuje parlamentarna većina.

Ukoliko bi bilo od strane načelnika prihvaćeno ovo što sam predložio, pa i od strane SDP-a mi bi u tim okolnostima prihvatili da promijenimo svoj 18-godišnji status u ovoj opštini i da postanemo sastavni dio parlamentarne većine. Ako ovi zahtjevi nisu sporni, ako je to nešto što smatrate da je u interesu grada, pa i države, da idemo u realizaciju svega što smo davali kao inicijative, svi mi. Evo BOSS stoji u tom slučaju na raspolaganju i ne tražimo bilo šta. Ne tražimo ništa.

Tražimo samo što smo istakli. Nikakve povlastice. Nikakve lične interese. Bilo šta, dakle od onoga što je ovih dana bilo postavljano kao zahtjev i ja mogu reći da mi je zadovoljstvo da je SDP uspio ophrvati se s tim. Ne prihvatiti to koliko sam do sada dobio informacije ne pristati na ucjene.

Ako je zaista tako. Ako imam dobre informacije. Ja onda mogu čestitati SDP-u i načelniku na odbijanju ucjena.

I evo ne bi duljio dalje ja mislim da sam bio sasvim dovoljno jasan. Naravno i one inicijative koje budemo predlagali, a koje su u interesu grada. To je ono što mi smatramo da je naš zahtjev koji je korektan i da vidimo kako će biti. Mislim da bi bilo u toj situaciji ako se odlučite vrlo zanimljivo raditi na ovom Vijeću. Imali bi mogućnost da sjednice budu i kraće, jer bi naravno prije dogovarali ono što je potrebno da odradimo na Vijeću.

Kako god. Mislim da bi to bilo u potpunosti nešto što bi bilo osvježenje, pa i možda malo izbjegavanje oni svi mučni situacija jer smo bili vrlo nezgodna opozicija.

Da vidimo kako bi to bilo ako bi mi bili sastavni dio parlamentarne većine. Možda nas izbacite ako ne budemo uspjeli se snaći u svemu tome, ako prihvatite naravno, ali nebitno. Da vidimo. Mi smo stavili evo na raspolaganje.

Dakle, s naše strane postoji dobra volja. Da vidimo kako će to izgledati. Sad je evo do načelnika. Ako načelnik se slaže, možemo napraviti pauzu, pa reći evo deset minuta, pet, da se konsultujemo ili da možda i ne treba pauza.

Možda je dovoljno samo izaći za govornicu predstavnik Kluba SDP-a, načelnik, ako je ovo što mi tražimo korektno, s naše strane imate podršku, imate nas u sastavu parlamentarne većine, ako se i drugi slažu naravno. Hvala vam na pažnji.

NADA MLADINA

Hvala lijepo. Gospodin Imamović Sabahudin, Klub vijećnika Stranke demokratske akcije. Izvolite gospodine Imamoviću.

SABAHUDIN IMAMOVIĆ - vijećnik Stranke demokratske akcije

Prije svega želim u ime Kluba vijećnika Stranke demokratske akcije da čestitam svim kolegama i kolegicama vijećnicima na dobivenim mandatima. Takođe bi čestitao i starom, novom načelniku na izbornom uspjehu.

Nadam se da ćemo svi skupa odgovoriti ulozi koja nam je namijenjena i da ćemo na kraju mandata biti zadovoljni sa postignutim rezultatima.

Naravno da bi ovo Vijeće moglo da radi u punom kapacitetu, da bi radilo u ulozi najvažnijeg organa lokalne samouprave mi ćemo morati sklopiti određene preduslove, a to su prije svega da se obezbijedi medijsko praćenje rada Vijeća kako bi građani Općine Tuzla dobili istinitu, blagovremenu i objektivnu informaciju o radu Vijeća i klubova vijećnika.

Takođe mi ćemo morati izboriti pravo da vijećnici u ovom Vijeću više nikada ne budu poniženi od strane izvršne vlasti na način da im se ne odgovara na vijećnička pitanja i da se usvojene inicijative i zaključci ne realizuju.

Dakle to su osnovni preduslovi. Međutim, nisam zbog toga izašao za govornicu.

Mi smo na Međustranačkom dogovoru koji je održan 19. novembra dogovorili, bio je jedan od zaključaka da dobijemo informaciju kako se načelnik Općine izjašnjava. Ovo nije prebrojavanje krvnih zrnaca kao što vele ovi iz SDP-a nego to je jedna ozbiljna stvar. Kako se ko izjašnjava nije važno, ali u političkoj ravni je važno. Da nije važno, to Ustav Federacije ne bi tretirao.

Dakle, u Ustavu Federacije je predviđeno da načelnik i predsjedavajući ne mogu biti iz reda istog kontitativnog naroda, odnosno iz reda ostalih.

Pošto naš načelnik ima običaj često da se predstavlja da je iz reda ostalih, mene je lično doveo u nedoumicu, vjerovatno i javnost, ako je predsjedavajući iz reda hrvatskog naroda, a zamjenik predsjedavajući iz reda srpskog naroda ja se pitam onda ko predstavlja Bošnjake u dva najvažnija organa u Općini Tuzla?

Dakle, pozivam sekretara Vijeća da nam riješi ovu dilemu i da nam odgovori na pitanju šta je bilo sa realizacijom zaključka koji smo donijeli na toj sjednici na međustranačkom dogovoru. Hvala.

NADA MLADINA

Hvala lijepo. Gospodin Mirnes Ajanović ima repliku.

MIRNES AJANOVIĆ

Mi jesmo na Kolegiju, odnosno pripremi ove sjednice dobili informaciju da je načelnik iz reda Bošnjaka. Što dakle u takvoj situaciji definiše obavezu Vijeća da iz drugog naroda budu predsjedavajući i zamjenik. I mi smo tražili da se donese izjašnjenje. Međutim, mi danas ovdje ako nismo dobili eventualno to, imamo predsjednika Komisije, imamo samog načelnika.

I mislim da kroz to možemo dobiti direktno izjašnjenje i riješiti ovu dilemu da ne bi bilo eventualno bilo šta sporno, a ja bi još uz put kada sam već izašao dodao da u svim ovim aktivnostima ono glavni uslov bude još jedan. Ono što zaboravljamo. Radimo puno i zaboravljamo. Maksimalna aktivnost ovog Vijeća i pritisak prema Federalnom parlamentu, svima koji imaju uticaja da se Tuzla proglasi gradom.

Evo to je dakle ono što sam istako dopuna ovih prijedloga što bi nas onda obavezalo da i mi dakle prihvatimo taj dio tereta razvoja grada. Hvala.

NADA MLADINA

Hvala lijepo. Da li se još neko od klubova javlja za riječ? Ako ne. Načelnik Općine Tuzla Jasmin Imamović. Gospodine Imamoviću izvolite.

JASMIN IMAMOVIĆ – Općinski načelnik

Dakle, ja se izjašnjavam kao Bošnjak od momenta kada je to bilo moguće se tako izjasniti 1991. ja znam šta ovo Sabahudin Imamović zašto pita. Bilo je moguće da se izjasnite kao Srbin, Hrvat, Musliman i Jugosloven. 91-ve godine ja sam se izjasnio kao Musliman.

91-ve godine se niko nije izjasnio kao Bošnjak, pa ni ja. Od momenta kada, dakle, u svakom tom ciklusu, pa i u ovom izbornom ciklusu, koji god popunjavao sam formular iz ne znam bilo kojih razloga moja nacionalnost je Bošnjak.

I ja mislim da je to moje pravo. Bez obzira na to što je pripadam Klubu i političkoj opciji Stranke demokratske akcije.

I ja jesam u SDP-u i bit ću i kao pisac i kao građanin, neprekidni borac da se ne zabrani ljudima i ne negira njihova nacionalna pripadnost i da mi neko ne kaže nisi Bošnjak ako nisi SDA što sam ja ovako razumio i diskusiju i prošlu i ovu.

Jer Bošnjaci su nacija mnogo starija od partije koju sam maloprije spomenuo. Branit ću jednako prava, dakle jednako ću prava braniti i svakog Srbina i svakog Hrvata, da ne bude član ni jedne partije, ili da bude član partije koje on to hoće, ali da time se njegovo pravo. Dalje, ja ne znam kad sam se ja to, kako je Sabahudin Imamović, dakle, ja se jedino sa Sabahudinom Imamovićem slažem u tome da se ništa ne slažemo i to je njegovo pravo i moje pravo.

Ali molim uvijek molim predsjedavajućeg i predsjedavajuće da kada, zbog stenograma poslije, u komunikaciji da mene oslove imenom i prezimenom, a i gospodina Sabahudina Imamovića imenom prezimenom jer će ljudi poslije čitati stenograme, a ja stojim iza svojih riječi, iza riječi mnogih vas ovdje, ali ne stojim iza riječi gospodina Sabahudina Imamovića, jer on i ja se zaista ne slažemo, a vrijeme će pokazati ko je u pravu.

To što ja neprekidno potenciram da različitosti, svako ima pravo na različitosti, treba njegovati svačiju nacionalnu vjersku i svaku drugu posebnost, ali da ne možemo zanemarivati više nego državljani drugi država Evrope i svijeta naš zajednički identitet, a to je bosansko-hercegovački identitet. Ja ne znam šta je u tome loše, jer ako ne budemo potencirali to što nas veže možemo izgubiti državu i to je moja misija i u mom poslu i u mojim knjigama i u svakom odgovoru, a evo slijedi popis stanovništva i ne znam kakva je to dilema i zašto je ovo pitanje i ja ga doživljam dakle kao provokaciju.

Smatram da su sva pitanja dopuštena. Sva pitanja dopuštena. Smatram da je najviši interes Bosne i Hercegovine interes grada i građana Tuzle i mi smo razgovarajući prije konstituirajuće sjednice dobro znaju i mediji i građani da smo imali mnoge sastanke prije ove sjednice. Nas je zanimalo, nas u SDP-u i mene je zanimalo program. Mi imamo Program razvoja Tuzle do 2026. godine kojeg je Vijeće usvojilo u maju prošle godine, ali smo svjesni da su partije u kampanji davale obećanja građanima, uvjereni da je to potrebno građanima i da su onda građani njima zbog tih obećanja i dali glasove. I mi smo dakle otvoreni, otvoreni oko realizacije Programa.

Realizacije Programa, hajde da ga generalno nazovemo razvoja Tuzle, mada bi taj program je li mogao imati daleko veći i daleko širi.

Ja sam juče razgovarao sa gospodinom Ajanovićem i ovo što je rekao on za govornicom, rekao je meni juče i ja sam mu juče rekao, ja sam taj jučerašnji, a i danas ponovljeni govor gospodina Ajanovića prenio Predsjedništvu SDP-a Tuzle i Klubu SDP-a Tuzle i sad mogu da kažem da maloprije Ajanović nije izgovorio niti jednu rečenicu s kojom se i Klub SDP-a i Predsjedništvo SDP-a i ja ne slažemo.

Dakle, ja vas pozivam da se oko Programa ujedini. Da taj Program ne bude samo Program SDP-a, pa ne može biti program bilo koje partije, pa ni SDP-a sam.

Da se on zasniva na Strategiji razvoja do 2026. godine, ali da normalno bude konkretizovan za četiri godine, daleko je 26-ta. A da u toj konkretizaciji za četiri godine svako ko želi da ubrza rad Vijeća unese svoje inicijative. Unese svoje prijedloge i da to bude program zapravo svih programa u onoj mjeri u kojoj to može, u kojoj to neće ispasti ponavljanje jedni itd. gomilanje.

Da mi jednostavno realizujemo Program u interesu građana Tuzle, a da interes građana Tuzle bude iznad interesa bilo kojeg pojedinca ili bilo koje partije. I ja vas molim da pristupimo dakle izboru na ovoj konstituirajućoj sjednici dakle predsjednika, podpredsjednika ova četiri tjela da onda budemo spremni za narednu sjednicu kada moramo donijeti odluku o privremenom finansiranju jer ne možemo donijeti budžet, to nije moguće izborna je godina drugačiji je kalendar nakon izbora, ali da donesemo odluku o privremenom finansiranju, donesemo nacrt budžeta, da omogućimo raspravu kako bi se stekli uslovi da se donese budžet i da naravno dovršimo posao oko svih tjela Vijeća i savjeta mjesnih zajednica da kompletiramo sve organe, a preduslov za sve to jesu odluke na današnjem Vijeću, a evo ja pozivam gospodina Sabahudina Imamovića i na kafu pa možemo pričati dakle o nacionalnom pitanju, dakle, nas dvojica znamo o tome dosta i o nacionalnom pitanju i o izjašnjavanju, a evo sad će popis biti stanovništva i mislim da tu nema, da tu nema nikakvih dilema. Eto hvala.

NADA MLADINA

Ja imam poslovničku intervenciju, pa ću onda dati riječ za replike.

Moja poslovnička intervencija se sastoji u slijedećem. Molim da se u našim izlaganjima klubova, vijećnika, koncentriramo na pitanje prijedloga za izbor predsjedavajućeg, odnosno kasnije zamjenika predsjedavajućeg.

Hoću da kažem da sam kao osoba koja predsjedava ovim Vijećem, pitanje koje je gospodin Imamović postavio, koje je vrlo senzibilno pitanje, svatila kao pragmatični odgovor traženje odgovora na pitanje ko po strukturi predstavlja Bošnjački narod.

Pošto je sad potvrđeno kako se izjašnjava naš Načelnik, nadam se da je odgovor jasan, jasan. Ja sam tako doživjela to pitanje. Ne bih volila da elaboriramo dalje u tom smislu i u svoje ime, a još nije to na dnevnom redu, želim da me eventualno birate ili ne birate samo po tome što sam te nacionalnosti. Ja vas to iskreno molim.

Evo gospodin Imamović se javio za repliku, a kasnije gospodin Alić.

SABAHUDIN IMAMOVIĆ

Gospodin Načelnik se vjerovatno sa mnom ne slaže zato što ja iznad svega cijenim i volim na zakonu zasnovanu bezličnu proceduru kao civilizacijsku tekovinu na koju počiva savremeni svijet.

Mi da smo otklonili sve nedoumice na međustranačkom dogovoru taj zaključak se ne bi donio. Očigledno su bile nedoumice oko vašeg izjašnjavanja. To možda zvuči provokativno.

Dakle ja sam samo htio da se sprovede normalna procedura. Da smo dobili na vrijeme odgovor ja ne bih izlazio za govornicu. I ne znam šta je sporno. A ja ću pronaći negdje kako ste se povremeno izjašnjavali. A to je vaše pravo. Metim u ovoj javnoj ravni je važno.

Načelniče, vi umjesto da trošite energiju na Sabahudina Imamovića koji je sigurno lojalan građanin, koji iza deset ne hoda po ulici i od kojeg nikog neće glava zaboliti, vi se okrenite vašoj administraciji koja je meni ostala dužna odgovor na trideset vijećničkih pitanja, na šest inicijativa koje je ovo Vijeće usvojilo koje su nerealizovane, koje su sve životne.

Dakle okrenite se svojoj administraciji, svojim pomoćnicima načelnika koje ste inače privatizirali. Vaši pomoćnici se ponašaju kao politički aktivisti, znači potpuno se izgubio jedan red, a gdje je kaos tu ne može biti dobra.

Dakle, što se tiče bošnjaštva, to nije privatna stvar Stranke demokratske akcije. Bošnjaci su vratili to ime u najtežim momentima za ovaj narod 93. Bio je to jedan dostojanstven skup umnih ljudi i vratili smo svoje nacionalno ime po kojim su nas vijekovima poznavali i to ništa nije sporno.

Ne daj bože da su Bošnjaci samo u SDA. To bi bila katastrofa. Dakle SDA će biti i nestati kao i sve političke stranke. Ali ne bismo mi 93. vraćali svoje ime da vi, vaši istomišljenici, pedeset godina nisu izluđivali ovaj narod.

Dakle mi smo jučer gore odali poštu 16. muslimanskoj brigadi, da bi na prvom popisu 51. bili neopredjeljeni. Dakle bila je 16. muslimanska brigada, ali 51. muslimana nije bilo.

Dakle imali ste dovoljno vremena da riješite nacionalno pitanje i nikad ga niste riješili, mislim na komuniste, zato smo se tako krvavo i pobili. I najgore su zablude i iluzije i ja se borim protiv iluzija.

Dakle mi smo to što jesmo, želim da se radi procedura po zakonu, bezlična, tuđa prava su neupitna. Ja ako ovdje spominjem Bošnjake to je zato što sam isprepadan ovim ratom. Dakle u jednom momentu sam se osjetio sam. S ljudima s kojima sam čitao iste lektire i prošlo isti obrazovni sistem bili su u stanju da uzmu snajper i ubiju djevojčicu zato što je muslimanka.

Dakle ja sam tad doživio šok i ja se nikad od toga neću oporaviti. Niko mi ne smeta ali najviše volim Bošnjaka. Evo i vi ste mi sad draži kako znam da ste Bošnjak.

Dakle okrenite se svojoj izvršnoj vlasti i radite svoj posao a nemojte brinuti za Sabahudina Imamovića.

I ponavljam, bošnjaštvo nije privatno vlasništvo SDA i ne daj bože da je tako ja bi se borio protiv toga. Ali mi je drago u kontekstu budućeg popisa da ste vi Bošnjak a vi ovdje imate puno vaših obožavatelja pa će se vjerovatno povest za vama i izjasniti na pravi način. Hvala vam.

NADA MLADINA

Gospodin Alić Mensur, Tuzlanska alternativa. Klub vijećnika.

MENSUR ALIĆ – vijećnik Tuzlanske alternative

Poštovane dame i gospodo, kolege vijećnici, mediji i gosti, sve vas srdačno pozdravljam i čestitam svima nama danas na položenoj zakletvi i nadam se da ćemo u naredne četiri godine raditi u interesu građana Tuzle.

Malo smo otišli sa dnevnog reda, ali ja ga vraćam nazad u interesu građana Tuzle. Ja očekujem u narednom periodu u što kraćem vremenu da potpišemo jedan sporazum, prvi put nakon dugo vremena, sporazum o koaliciji koja će imati većinu u ovom Vijeću ali na bazi programa. Mi smo ga dostavili i očekujemo odgovor, konačan odgovor SDP-a o prihvaćanju programa, mi smo u poziciji.

Ja mogu samo da čestitam i BOSS-u što se pridružuje ovom bloku i nadam se da će ovo Vijeće raditi dobro i da će raditi na bazi programa. Program želimo i sporazum da potpišemo da pozovemo medije i sve ostale, da to ne ostane samo na papiru, nego da ga realizujemo u naredne četiri godine.

Ja vam se zahvaljujem i nastavljamo dalje. Hvala vam.

NADA MLADINA

Hvala lijepo gospodine Aliću. Da li se neko od klubova još javlja za riječ? Ako ne, zaključujem raspravu klubova. Otvaram raspravu vijećnika. Da li neko želi da govori? Niko. Zaključujem raspravu.

Poštovani vijećnici prelazimo na izjašnjavanje. Kao što je u prijedlogu rečeno za predsjedavajućeg Općinskog vijeća Tuzla predložen je vijećnik gospodin Jozo Nišandžić.

Pitam vijećnike ko je za ovaj prijedlog, molim da digne ruku? (31) Ima li neko protiv? (Nema.) Suzdržan? (Nema.)

31 vijećnik je glasao za, niko nije bio protiv ni suzdržan, te konstatujem da je gospodin Jozo Nišandžić jednoglasno izabran za predsjedavajućeg Općinskog vijeća Tuzla i ja mu čestitam. (Aplauz.)

(JOZO NIŠANDŽIĆ – Da se obratim.) Izvoli, pa ćeš preuzeti dalje vođenje sjednice.

JOZO NIŠANDŽIĆ – predsjedavajući Općinskog vijeća Tuzla

Dame i gospodo, dragi vijećnici, dragi gosti, mediji, sve vas pozdravljam i dozvolite mi da čestitam novim vijećnicima u ovom sazivu na izboru u inače u ovako časno tijelo zakonodavne vlasti Općine Tuzla.

Hvala vam na ukazanom povjerenju. Drago mi je da smo jednoglasno ovu odluku donijeli i time me više obavezuje da i ja sa svoje strane zaista pružim svoje maksimalno, bez obzira iz koje političke opcije dolazio, bez obzira nacionalnosti koje bio, bez obzira koje vjeroispovjesti bio, ja ću uvijek biti isti prema svim vijećnicima jer me to inače obavezuje a nadam se da sam i dosad bio takav.

Želim da u naredne četiri godine zaista budemo jedinstveni, teško je postići to sigurno, ali ja vam moram reći oni koji nisu bili do sada, ovi stari vijećnici znaju, da smo mi u prošlom sazivu negdje oko 85, 90% odluka, zaključaka, donijeli jednoglasno, a ostalo je zaista bilo razlika što je zaista bilo dobro jer je to jedan od tih demokratskih načina, da se svako izjašnjava onako kako to smatra, odnosno kako njegova politička opcija predlaže.

Želim takođe Načelniku na izboru, ja se izvinjavam malo sam ga zaboravio iako sam čestito, ali evo koristim priliku kao predsjedavajući da mu čestitam na ukazanom povjerenju koji je zaista dobio veliki broj glasova od građana i nadam se da ćemo to zajednički raditi u jednoj

dobroj sprezi i zakonodavne i izvršne vlasti, da taj odnos još poboljšamo nego što je bio u ranijem sazivu.

Dozvolite mi na kraju da našoj predsjedavajućoj kojoj zaista moram posebno čestitati, ona je u nazad ova dva mandata, znači mandat 2004-2008. i 2008-2012., zaista dovela ovo Vijeće dovela ga do perfekcije zaista bez ikakvih problema, iako oni vijećnici koji su bili u periodu 2004-2008. bilo je teže ipak raditi moramo se složiti, a i njoj je bio početni dio, ali u tim teškim momentima ona se zaista snalazila i najbolja rješenja nudila i dolazili smo do zaista dobrih rješenja. (NADA MLADINA – Zajedno smo to radili.)

Ja očekujem, takođe zajedno, meni je drago što, očekujem da će biti zamjenik predsjedavajućeg što će biti meni zaista jedna velika satisfakcija i biće mi sigurno jedna velika pomoć da ipak ovo Vijeće vodimo.

Još jednom zahvaljujem se, obećavam zaista da ću sa svim vijećnicima saradivati što je moguće bolje i da ću tražiti rješenja koja su najoptimalnija za ovu općinu, jer prije svega od nas građani Tuzle to i očekuju. Ne trebamo se mi dijeliti ni po što kažu političkom kad je riječ oko toga jer nama je grad uvijek, ili Općina da budem konkretniji, uvijek u interesu broj jedan i moramo uložiti maksimum da to bude za naše građane bude najbolje.

Evo toliko i hvala još jednom.

NADA MLADINA

E Jozo preuzmi sad od mene. (Aplauz.)

JOZO NIŠANDŽIĆ

Eh hvala.

Prelazimo na treću tačku dnevnog reda:

IZBOR ZAMJENIKA PREDSJEDAVAJUĆEG OPĆINSKOG VIJEĆA TUZLA

Do današnjeg dana pismene prijedloge za zamjenika predsjedavajućeg Općinskog vijeća Tuzla pristigli su od Socijaldemokratske partije i to dana 27. 11. 2012. godine. Nema drugih prijedloga.

Ali pitam prisutne, da li i drugi klubovi vijećnika imaju predloge kandidata za zamjenika predsjedavajućeg Općinskog vijeća Tuzla, koji bi željeli iznijeti na samoj sjednici? Pozivam predstavnike klubova. Izvolte. Azra jeste li vi javili se?

Evo ja predlažem da znači predsjednik Kluba Socijaldemokratske partije će obrazložiti predlog zašto se Socijaldemokratska partija opredjelila da upravo kandidat bude iz kojih razloga. Pa evo izvolite.

AZRA GAZIBEGOVIĆ

Prije svega iskoristit ću priliku da čestitam novoizabranom predsjedavajućem Općinskog vijeća Tuzla našem drugu Jozi Nišandžiću.

Na osnovu Odluke Predsjedništva Općinskog odbora SDP-a Bosne i Hercegovine Tuzla donešene na 38. sjednici ovog organa, u skladu sa članom 26., stav 1., tačka 13., Statuta Općine

Tuzla i člana 12. Poslovnika Općinskog vijeća Tuzla, Klub vijećnika SDP-a u Općinskom vijeću Tuzla predlaže da se za zamjenika predsjedavajućeg Općinskog vijeća Tuzla izabere profesor doktor medicinskih nauka Nada Mladina.

Biografija je bogata, sadržajna i ja ću dakle navesti samo neke osnovne činjenice.

Nada Mladina rođena je 23. 02. 1947. godine u Tuzli. Medicinski fakultet Sveučilišta u Zagrebu završila je 1970. godine.

Nakon obavljenog ljekarskog staža u Medicinskom centru Tuzla, radila je u Dispanzeru za predškolsku djecu Doma zdravlja, a potom nastavlja specijalizaciju iz pedijatrije u Dječjoj bolnici Tuzla. Posljednju godinu specijalizacije obavila je u Institutu za majku i dijete u Zagrebu. Školske 1977. i 1978. godine pohađala je i završava postdiplomski studij “Zaštita zdravlja majke i djeteta” pri Školi narodnog zdravlja “Andrija Štampar”, Sveučilišta u Zagrebu.

Nakon položenog specijalističkog ispita raspoređena je na mjesto šefa Odjeljenja intenzivne njege i terapije Dječije bolnice, a kasnije Klinike za dječije bolesti u Tuzli, gdje i danas radi.

Doktorsku disertaciju pod nazivom “Evaluacija zdravstvene zaštite djece sjeveroistočne Bosne u odnosu na specifični mortalitet i morbiditet” i mentorstvom prof. dr. Mira Juretića iz Rijeke i prof. dr. Livia Balarina iz Splita, Republika Hrvatska, odbranila je pred Komisijom Naučno-nastavnog vijeća Medicinskog fakulteta Tuzla Univerziteta u decembru 1997. godine.

Bila je predsjednik Udruženja zdravstvenih radnika regiona Tuzla i član Izvršnog odbora podružnice Društva ljekara Tuzla, te član predsjedništva Udruženja pedijatar Bosne i Hercegovine. Komitet za zdravstvo Bosne i Hercegovine dodijelio joj je zvanje primarijusa 1986. godine.

Od strane nadležnog fakulteta i Ministarstva zdravstva imenovana je za člana Komisije za polaganje specijalističkih ispita iz pedijatrije.

Upravni odbor Javne ustanove UKC Tuzla svojom Odlukom imenovao je prof. dr. Nadu Mladinu za predsjednika Etičkog komiteta Javne ustanove UKC Tuzla u dva mandata.

Na početku rata 1992. godine sa nekolicinom prijatelja osnovala je Humanitarnu nevladinu organizaciju “Naša djeca Tuzla“, koja je iskazala visok nivo aktivnosti u zbrinjavanju osnovnih potreba djece, posebno prognanika, ranjenih i bolesnih, između ostalog, obezbjeđenjem liječenja i izvan granica Bosne i Hercegovine.

Prof. dr. med. sci. Nada Mladina bila je jedan od moderatora za trening žena poslanika u kantonalnom i federalnom parlamentu u organizaciji OSCE ured u Tuzli i Lige žena glasača.

Na lokalnim izborima 2004. godine, te 2008. godine bila je nosilac liste SDP-a Tuzla, te je izabrana u oba mandata za vijećnika i za predsjedavajuću Općinskog vijeća Tuzla. Hvala.

JOZO NIŠANDŽIĆ

Hvala. Ima li. Nema drugih prijedloga je li? Otvaram raspravu klubova. Izvolte. Ako nema, zatvaram raspravu klubova. Otvaram raspravu vijećnika. Doktor Malohodžić. Izvolte. Stranka demokratske akcije.

MIRSAD MALOHODŽIĆ – vijećnika Stranke demokratske akcije

Dozvolite mi da čestitam izabranim vijećnicima mandate i da pozdravim sve goste i medije.

Javio sam se kao vijećnik iz jednog prostog razloga da moja kolegica i moja drugarica Nada Mladina koju znam preko trideset godina ne bi ostala bez barem dvije, tri rečenice.

Ja sam kad smo neki dan polagali ovo cvijeće gore njoj čestitao na nečemu što rijetko na ovim prostorima nalazimo. U protekle četiri godine uvijek je bila dostojanstvena, uvijek je svakom dala riječ, pa čak nas je malo iritirala pošto smo nekad žurili kući da pita ima li još ko i tri, četiri puta pregledala salu.

Mislim da bolje predsjedavajuće i boljeg načina prikazivanja demokratije na ovim prostorima nismo imali.

Ja bih želio da se zahvalim na ovom dosadašnjem radu, da joj poželim dobro zdravlje, puno sreće sa njenim unucima i mojim kolegom Žarkom. Hvala u ime većine vijećnika pretpostavljam. (Aplauz.)

JOZO NIŠANDŽIĆ

Hvala gospodine. Ima li, pitam vijećnike, još neko da se obrati. Ako nema, predlažem da pristupimo izjašnjavaњу molim vas.

Ko je za to da zamjenik predsjedavajućeg Općinskog vijeća Tuzla u narednom periodu bude doktorica, odnosno profesor doktor Nada Mladina, molim vas ko je za da digne ruku? (31) Ima li neko protiv? (Nema.) Suzdržan? (Nema.)

31 vijećnik je glasao za, niko nije bio protiv ni suzdržan, te konstatujem da je gospođa profesor doktor Nada Mladina jednoglasno izabrana za zamjenika predsjedavajućeg Općinskog vijeća Tuzla.

Izvolte. Načelnik želi da se obrati.

JASMIN IMAMOVIĆ

Dakle čestitam svim vijećnicima Općinskog vijeća Tuzla na osvojenim i verifikovanim mandatima. Svim vijećnicima Općinskog vijeća Tuzla želim dobro zdravlje, ne samo do kraja mandata, želim uspješan i sretan ovaj mandat.

Svim vijećnicima Općinskog vijeća Tuzla želim da rado dolaze na sjednicu Općinskog vijeća i da zadovoljni dobro obavljenim poslom odlaze sa sjednica Općinskog vijeća.

Želim se zahvaliti vijećnicima ranijeg saziva i želim se zahvaliti i predsjedavajućoj Vijeća na u dva mandata osam godina vođenja sjednica Vijeća, koje su nekada bile jednostavne a nekada više nego naporne i složene.

Želim čestitati Jozi Nišandžiću, predsjedavajućem Vijeća i čestitati gospođi Nadi Mladini zamjenici predsjedavajućeg Vijeća. Mislim da imamo, pa da nismo mogli imati je li, možda smo i mogli, ali imamo savršene osobe koje će uz pomoć sekretara Vijeća, jednog zaista istaknutog pravnika gospođe Medihe Nuhbegović, dobro voditi ovo Vijeće.

Ja vam želim svima sve najbolje. Hvala.

JOZO NIŠANDŽIĆ

Hvala načelniče. Sada želi da se obrati profesor doktor Nada Mladina, zamjenik predsjedavajućeg Općinskog vijeća. Izvolte Nado. (Aplauz.)

NADA MLADINA – zamjenik predsjedavajućeg Općinskog vijeća Tuzla

Poštovani vijećnici, predstavnici izvršne vlasti, gospodine Načelnice, dragi predstavnici nevladinih organizacija, udruženja, predstavnici EUFOR-a, želim vam svima zahvaliti na prisustvu današnjoj sjednici konstituirajućoj i zahvaliti se na tome što ona protiče dostojanstveno kako to i priliči konstituirajućoj sjednici jednog Općinskog vijeća i posebno mi je drago što je to konstituirajuća sjednica našeg grada.

Hvala vam puno na povjerenju što ste me izabrali za zamjenika predsjedavajućeg i iskreno se nadam da ste ispoštovali i imali u vidu ono što sam rekla da me ne birate samo zato što sam ja jedina osoba u ovom Vijeću ove nacionalnosti, što nije prije bio slučaj ali tako se dogodilo, to ne znači da građani Tuzle ne bi dali povjerenje i drugima. Izbori su izbori, ovisе o broju i onih koji izađu kako se izjasne i tako dalje.

Ja vjerujem da me gospodin Imamović voli. Ja vjerujem. Ali je iskreno reko koga više voli i to je njegovo pravo. Ja vas volim jednako. Ja vas volim jednako. Nije prvi put da sam. (SABAHUDIN IMAMOVIĆ – Volim vas više nego Načelnika.) Pa naravno kad smo u Vijeću. To je već nešto.

Ja zahvaljujem puno na lijepim riječima mom kolegi i prijatelju gospodinu Mirsadu Malohodžiću, ja znam da on dijeli mišljenje brojnih vijećnika ovdje, jer mandat bude, mandat prođe, stranke budu, stranke prođu, ali ono što nas sve veže da smo mi građani Tuzle, da se susrećemo, da smo sugrađani, da želimo dobro ovom gradu, našoj državi Bosni i Hercegovini i da se možemo pogledati uvijek u oči.

Ja sam za sebe sasvim sigurna da mogu slobodno pogledati ljudima u oči a nisam savršena, niko nije savršen, što znači da smo mi dobar izbor ne znači da smo savršeni, trudit ćemo se da budemo što bolji, barem ja to u svoje ime obećavam i da budem dobar zamjenik gospodinu Jozi Nišandžiću i zaželim puno uspjeha svima nama. Hvala vam na povjerenju. (Aplauz.)

JOZO NIŠANDŽIĆ

Hvala i ne sumnjam u. Još jednom hvala i čestitam našoj profesorici. (NADA MLADINA – Hvala Jozo.) Moram je poljubiti nećete se ljutiti. (NADA MLADINA – Ja se izvinjavam ja moram dodat. Moram dodati nešto.) Hajde izvolte. (NADA MLADINA – Ja se izvinjavam. Ja se izvinjavam.) Još malo samo.

NADA MLADINA

Obzirom da, ćete dozvoliti ljudsko sam biće pa sam malo i uzbuđena, nešto vrlo važno što želim da kažem. Onaj ko je savršen i ko drži, ne konce u smislu da čuva od drugih, nego je glavni stub Općinskog vijeća Tuzla, po mojoj procjeni bez obzira hoćel se ljutiti predstavnici izvršne vlasti ili neće i dvije trećine stabilnosti Općine Tuzla je gospođica Mediha Nuhbegović. (Aplauz.)

Njoj zahvaljujem od srca. Od srca joj zahvaljujem što mi je pomogla u ova dva mandata i svima nama u Vijeću da ne donosimo nikakve zaključke i odluke a koje će biti suprotne ili barem slutiti na suprotnosti zakonitosti.

Obzirom da sam ja liječnik nisam pravnik, imati takvog saradnika kraj sebe u koga možete imati neizmerno povjerenje je garant uspjeha. Znači uspjeh ako je bio svih nas je uspjeh a moj uspjeh kao predsjedavajuće zahvaljujem Medihi Nuhbegović.

Evo to sam, ne daj bože da sam to zaboravila a to mi je prvo bilo na umi da kažem.

JOZO NIŠANDŽIĆ

Hvala i ja se pridružujem i potvrđujem a mislim da i stari vijećnici to potvrđuju koji znaju šta je Mediha a i novi će imati priliku da se upoznaju. Želimo joj dobro zdravlje i ništa drugo, biće ostalo kako treba. Hvala još jednom.

Prelazimo na četvrtu tačku dnevnog reda:

IZBOR PREDsjedNIKA I ČLANOVA KOMISIJA OPĆINSKOG VIJEĆA TUZLA

Obavještavam vijećnike, da je dana 19. 11. 2012. godine održan međustranački sastanak, na kome smo željeli kao što je to uobičajeno postići međustranački dogovor oko konstituisanja radnih tijela, odnosno komisija Općinskog vijeća Tuzla.

Na sjednici Međustranačkog savjeta održanoj dana 19. 11. 2012. godine, postignut je sporazum o izboru predsjednika i članova u slijedećim komisijama Općinskog vijeća Tuzla: Komisija za statutarna pitanja i propise, Komisija za ekonomske odnose, Komisija za izbor i imenovanja i Mandatno-imunitetska komisija.

Predsjednike i članove ostalih komisija Općinskog vijeća Tuzla, ćemo birati na narednoj sjednici Općinskog vijeća Tuzla u skladu sa međustranačkim dogovorom.

Do sada su prijedloge odnosno liste za izbor predsjednika i članova radnih tijela Općinskog vijeća Tuzla, dostavili:

Socijaldemokratska partije Bosne i Hercegovine, Općinski odbor Tuzla, dana 27. 11. 2012. godine.

Stranka demokratske akcije, Općinski odbor Tuzla, dana 23. 11. 2012. godine.

Stranka za bolju budućnost Bosne i Hercegovine, opštinski je li to savez, savjet ili je? (MEDIHA NUHBEGOVIĆ – Savjet.) Opštinski savjet, dana 23. 11. 2012. godine.

Narodna stranka Radom za boljitak, Opštinski odbor Tuzla, dana 22. 11. 2012. godine.

Bosanska stranka Mirnes Ajanović, Opštinski odbor Tuzla, dana 23. 11. 2012. godine.

Hrvatska demokratska zajednica Bosne i Hercegovine, Opštinski odbor Tuzla, dana 23. 11. 2012. godine.

Tuzlanska alternativa, dana 21. 11. 2012. godine.

I Stranka za Bosnu i Hercegovinu, Opštinski savjet ili savez Tuzla, dana 20. 11. 2012. godine.

Na osnovu pristiglih prijedloga, predlažem slijedeće zaključke. Ići ćemo po komisijama molim vas i tako ćemo se izjašnjavati.

Općinsko vijeće Tuzla, donosi rješenje o izboru predsjednika i članova Komisije za statutarna pitanja i propise, kojim se u Komisiju za statutarna pitanja i propise biraju:

- Žarko Vujović, za predsjednika ispred Socijaldemokratske partije,
- Elvir Mahmuzić, za člana ispred Socijaldemokratske partije,

- Midhat Suljić, za člana ispred Stranke demokratske akcije,
- Kasumović Elvir, za člana ispred Stranke za bolju budućnost,
- Cvjetinović Vesna, za člana ispred Narodne stranke Radom za boljitak,
- Mirnes Ajanović, ispred Bosanske stranke, stranka Mirnes Ajanović i
- Banović Zvonimir, ispred Hrvatske demokratske zajednice.

Molim vas ko je za ovaj predlog zaključka, molim da dignu ruku? (31) Ima li neko protiv? (Nema.) Suzdržan? (Nema.)

31 vijećnik je glasao za, niko nije bio protiv ni suzdržan, te konstatujem da je zaključak jednoglasno usvojen.

Idemo na drugu Komisiju.

Općinsko vijeće Tuzla, donosi rješenje o izboru predsjednika i članova Komisije za izbor i imenovanja, kojim se u Komisiju za izbor i imenovanja biraju:

- Jozo Nišandžić, za predsjednika ispred Socijaldemokratske partije,
- Elvis Bećirović, za člana ispred Socijaldemokratske partije,
- Nedžad Pihljak, za člana ispred Stranke za bolju budućnost,
- Samir Mačković, ispred Tuzlanske alternative,
- Hasanbašić Admir, ispred Narodne stranke Radom za boljitak,
- Dženita Merdan, ispred Stranke demokratske akcije i
- Baraković Mirsada, ispred Bosanske stranke, stranke Mirnes Ajanović.

Ima li potrebe da otvorimo raspravu po ovim predlozima? Obzirom da je usaglašeno već i sa strankama nema.

Molim vas ko je za ovaj predlog zaključka, molim da dignu ruku? (31) Ima li neko protiv? (Nema.) Suzdržan? (Nema.)

31 vijećnik je glasao za, niko nije bio protiv ni suzdržan, te konstatujem da je zaključak jednoglasno usvojen.

Idemo na treću Komisiju.

Općinsko vijeće Tuzla, donosi rješenje o izboru predsjednika i članova Mandatno-imunitetske komisije u koju se biraju:

- Bešlaga Smajić, za predsjednika ispred Stranke demokratske akcije,
- Merima Softić, za člana ispred Socijaldemokratske partije,
- Fikret Selman, za člana ispred Stranke za bolju budućnost. (NADA MLADINA –

Savez za bolju budućnost.) Savez za bolju budućnost. Ja se izvinjavam. Još nisam, ali pripaziti ćemo se.

- Jadranka Pavlić, za člana ispred Hrvatske demokratske zajednice,
- Senad Karišik, za člana ispred Tuzlanske alternative i
- Refik Topić, za člana ispred Stranke za Bosnu i Hercegovinu.

Molim vas ko je za ovaj predlog zaključka, molim da dignu ruku? (31) Ima li neko protiv? (Nema.) Suzdržan? (Nema.)

31 vijećnik je glasao za, niko nije bio protiv ni suzdržan, te konstatujem da je zaključak jednoglasno usvojen.

Idemo na četvrtu ovu Komisiju.

Općinsko vijeće Tuzla, donosi rješenje o izboru predsjednika i članova Komisije za ekonomske odnose u koju se biraju:

- Džindo Džemal, za predsjednika ispred Saveza za bolju budućnost. Sad sam reko dobro. Je li tako?

- Miralem Mujanović, ispred Tuzlanske alternative,

- Malikić Nedžad, ispred Narodne stranke Radom za boljitak,
- Ademir Mešetović, ispred Socijaldemokratske partije,
- Hamza Šarić, ispred Saveza za bolju budućnost. (MEDIHA NUHBEGOVIĆ – Ispred Socijaldemokratske partije.) Pa ovdje greška i zato pitam vas. Greška. Izvinjavam se dobio sam grešku ovdje zato pitam. Znači Hamza Šarić, ispred Socijaldemokratske partije,
- Ramiz Vilić, ispred Stranke demokratske akcije i
- Edim Kadić, ispred Bosanske stranke Mirnes Ajanović.

Ima li potrebe da otvaram raspravu?
Ako nema, ko je za ovaj predlog zaključka, molim da digne ruku? (31) Ima li neko protiv? (Nema.) Suzdržan? (Nema.)
31 vijećnik je glasao za, niko nije bio protiv ni suzdržan, te konstatujem da je zaključak jednoglasno usvojen.

Prelazimo na petu tačku dnevnog reda:

RAZJEŠENJE PREDSJEDAVAJUĆEG I ZAMJENIKA PREDSJEDAVAJUĆEG OPĆINSKOG VIJEĆA TUZLA IZ SAZIVA 2008-2012. GODINE

Imajući u vidu, da je zbog lokalnih izbora 07. 10. 2012. godine prestala funkcija predsjedavajućoj Općinskog vijeća Tuzla i zamjeniku predsjedavajućeg Općinskog vijeća Tuzla, pripremljeno je i rješenje, kojim se navedene činjenice konstatuju.

Predlažem da pristupimo glasanju za rješenje. Evo ja ću pročitati zaključak.

Općinsko vijeće Tuzla, donosi rješenje, kojim se konstatuje da je zbog lokalnih izbora 07. 10. 2012. godine, prestao mandat predsjedavajućoj Općinskog vijeća Tuzla iz saziva 2008-2012. godine, profesor doktor medicine NADI MLADINI.

Općinsko vijeće Tuzla, donosi rješenje, kojim se konstatuje da je zbog lokalnih izbora 07. 10. 2012. godine, prestao mandat zamjeniku predsjedavajućeg Općinskog vijeća Tuzla iz saziva 2008-2012. JOZI NIŠANDŽIĆU.

Ko je za predlog ovih rješenja, molim da digne ruku? (31) Ima li neko protiv? (Nema.) Suzdržan? (Nema.)

31 vijećnik je glasao za, niko nije bio protiv ni suzdržan, te konstatujem da su rješenja jednoglasno usvojena.

Prije nego što zaključim ovu sjednicu, obavještavam vijećnike i klubove vijećnika da su na ulazu u salu dobili Dopis Službe za budžet i finansije broj: 03-887/2012 od 22. 11. 2012. godine. Molim da ovaj akt pročitate i blagovremeno traženu dokumentaciju dostavite u Stručnu službu Vijeća, ovo naglašavam u Stručnu službu Vijeća ne Službi za finansijske, nego našoj Službi, Službi Vijeća našoj, kako bi se ista objedinila i dostavila, tamo gdje je i potrebno. Mislim ovo je radi saznanja.

Mi smo sa ovim iscrpili dnevni red. Zaključujem konstituirajuću sjednicu Općinskog vijeća Tuzla i još jednom se zahvaljujem. Vidimo se u decembru mjesecu. Hvala.

(S obzirom da je dnevni red iscrpljen predsjedavajući Općinskog vijeća Tuzla zaključio je rad sjednice Općinskog vijeća Tuzla u 11,00 sati.)

STENOGRAM SAČINILI:

Senada Karabegović

Igor Kurcinak

P R E D S J E D A V A J U Ć I

Prof.dr.med.sci. Nada Mladina, s.r.